

Na osnovu člana 130. Zakona o radu („Službene novine Federacije Bosne i Hercegovine“ broj: 43/99, 32/00 i 29/03) Kantonalni odbor Saveza samostalnih sindikata-Sarajevski kanton, Udruženje poslodavaca u Kantonu Sarajevo i Vlada Kantona Sarajevo (u daljem tekstu: potpisnice Sporazuma), zaključuju:

SPORAZUM

o osnivanju Ekonomsko-socijalnog vijeća za područje Kantona Sarajevo

Član 1.

Ovim sporazumom osniva se Ekonomsko-socijalno vijeće za područje Kantona Sarajevo (u daljem tekstu: Vijeće), te utvrđuju principi djelovanja Vijeća, nadležnost, sastav, način odlučivanja i druga pitanja značajna za rad Vijeća.

Član 2.

Vijeće svoje djelovanje zasniva na principima :

- vođenja ekonomsko-socijalnog dijaloga, kao sistema rješavanja odnosa između potpisnica Sporazuma, u cilju postizanja ravnoteže između tržišne ekonomije i socijalne pravde,
- poštivanja nezavisnosti i autonomije potpisnika Sporazuma u njihovom radu i organizovanju,
- obezbjeđivanja slobodnog i blagovremenog pristupa informacijama i dokumentaciji značajnoj za pitanja o kojima odlučuje Vijeće.
- poštivanja i provođenja odluka i zaključaka Vijeća.

Član 3.

Vijeće je nadležno za vođenje zajedničkih aktivnosti potpisnika Sporazuma u oblasti ekonomske, socijalne i razvojne politike, afirmacije i zaštite ekonomskih i socijalnih prava i interesa zaposlenika i poslodavaca, razvijanje sistema kolektivnog pregovaranja, te u tom smislu Vijeće:

- prati, razmatra i ocjenjuje uticaj ekonomske i socijalne politike na cijelokupni razvoj i socijalnu stabilnost.
- razmatra i podstiče zaključivanje i ocjenjuje primjenu kolektivnih ugovora donesenih na nivou Federacije Bosne i Hercegovine i Kantona Sarajevo,
- podstiče mimo rješavanje kolektivnih radnih sporova,
- analizira usklađenost politike cijena i plaća,
- podstiče ideju tripartitnog, bipartitnog i drugih oblika ekonomsko-socijalnog dijaloga na svim nivoima u rješavanju ekonomskih i socijalnih pitanja,
- prati, razmatra i predlaže eventualne promjene zakona na nivou Bosne i Hercegovine, Federacije Bosne i Hercegovine i Kantona Sarajevo u kontekstu položaja zaposlenika i poslodavaca,
- razmatra nacrte propisa i drugih akata iz djelokruga svog rada i svoja mišljenja dostavlja nadležnim institucijama,
- prati primjenu propisa iz oblasti rada, zapošljavanja i socijalne sigurnosti i predlaže mјere nadležnim institucijama za potpunije ostvarivanje i unapređenje prava,
- analizira proces privatizacije i pokreće inicijativu prema nadležnim institucijama za eventualne izmjene zakonskih i podzakonskih akata u cilju poboljšanja zaposlenosti,
- prati stanje na području zapošljavanja, penzijsko-invaliđskog i zdravstvenog osiguranja u kontekstu smanjenja neformalnog tržišta radne snage.

Član 4.

Vijeće ima 9 članova, po 3 člana-predstavnika svake potpisnice Sporazuma. Svaki član ima zamjenika.

Zamjenik člana Vijeća prisustvuje sjednicama kada to član nije u mogućnosti. U slučaju iz prethodnog stava zamjenik ima puna prava člana Vijeća.

Član 5.

Svaka potpisnica Sporazuma svojim rješenjem imenuje odnosno razrješava svog predstavnika - člana odnosno zamjenika člana Vijeća.

Rješenjem iz prethodnog stava utvrđuju se i prava i obaveze članova odnosno zamjenika članova Vijeća, njihov mandat i druga pitanja od značaja za rad Vijeća.

Član 6.

Vijeće može punovažno raditi i odlučivati kada sjednici prisustvuje nadpolovična većina od ukupnog broja članova Vijeća, pri čemu mora biti zastupljen najmanje jedan predstavnik svake potpisnice Sporazuma.

Vijeće svoje odluke donosi konsenzusom.

Način rada, glasanja, vođenja sjednica i druga proceduralna i tehnička pitanja uredit će se poslovnikom o radu Vijeća koji donosi Vijeće.

Član 7.

Predsjednika Vijeća biraju članovi Vijeća između sebe.

Predsjednik Vijeća predstavlja Vijeće, saziva sjednice Vijeća, potpisuje odluke i druge akte koje donosi Vijeće i prati njihovu realizaciju, te vrši i druge poslove bitne za funkcionisanje Vijeća.

Član 8.

Vijeće održava svoje redovne sjednice najmanje jedanput u 60. dana. Predsjednik Vijeća je obavezan sazvati sjednicu Vijeća na zahtjev člana Vijeća ili potpisnice Sporazuma.

Član 9.

U radu Vijeća mogu učestvovati i stručnjaci iz različitih oblasti, kao stalni savjetnici, bez prava glasa. Vijeće može za svoje potrebe posebno angažirati stručne institucije i organizacije, te eksperte za pojedine oblasti.

Član 10.

Vijeće može osnovati povjereništva za pojedine oblasti iz svoje nadležnosti, a posebno za:

- politiku plaća i kolektivnih ugovora,
- porezni sistem, zapošljavanje i socijalnu politiku,
- privatizaciju,
- zakonodavstvo, provođenje propisa i ostvarivanje prava iz oblasti rada i zapošljavanja,
- javne djelatnosti,
- međukantonalnu, međuentitetsku i međunarodnu saradnju,
- politiku stranih ulaganja,
- podsticaj izvoza,
- standardizaciju,
- energetsku politiku,
- transport i komunikaciju.

Član 11.

Članove povjereništava imenuje Vijeće na način da svaki član Vijeća predlaže po dva člana povjereništva. Odlukom o imenovanju povjereništva uređuje se djelokrug, način rada i druga pitanja od značaja za funkcioniranje povjereništva.

Član 12.

Mišljenja i prijedlozi povjereništava obavezno se prezentiraju Vijeću.

Povjereništva najmanje jednom godišnje podnose Vijeću izvještaje o svom radu.

Član 13.

Stručne, organizacijske, tehničke i materijalne uvjete za rad Vijeća obezbjeđuje i snosi njihove troškove Vlada Kantona Sarajevo odnosno Ministarstvo za rad, socijalnu politiku, raseljena lica i izbjeglice.

Stručni i administrativni poslovi iz djelokruga Vijeća obavljaju se u Ministarstvu za rad, socijalnu politiku, raseljena lica i izbjeglice Kantona Sarajevo.

Član 14.

Sjedište Vijeća je u Sarajevu, ulica Reisa Džemaludina Čauševića broj 1.

Član 15.

Potpisnice sporazuma se obavezuju da će u roku od 30 dana donijeti rješenje iz člana 5. ovog Sporazuma.


Član 16.

Sporazum stupa na snagu danom potpisivanja od sve tri strane - potpisnice Sporazuma i objavit će se u „Službenim novinama Kantona Sarajevo“.

Potpisnice Sporazuma:

Predsjednik Kantonalnog odbora samostalnih sindikata kantona

Predsjednik Udruženja poslodavaca





Broj: 02-05-21020-16.1/11
Sarajevo, 30.06.2011. godine

Na osnovu člana 130. Zakona o radu („Službene novine Federacije Bosne i Hercegovine”, broj: 43/99, 32/00 i 29/03) Kantonalni odbor Saveza samostalnih sindikata-Sarajevski kanton, Udruženje poslodavaca u Kantonu Sarajevo i Vlada Kantona Sarajevo zaključuju:

S P O R A Z U M
o izmjeni Sporazuma osnivanju Ekonomsko-socijalnog vijeća
za područje Kantona Sarajevo

Član 1.

U Sporazumu o osnivanju Ekonomsko-socijalnog vijeća za područje Kantona Sarajevo (broj: 02-05-33200-19.I/05 od 3.2.2006. godine) član 4. mjenja se i glasi:

«Vijeće ima 12 članova, po 4 člana - predstavnika svake potpisnice Sporazuma s tim da su premijer Kantona Sarajevo, predsjednik Kantonalnog odbora Saveza samostalnih sindikata-sarajevskog kantona i predsjednik Udruženja poslodavaca Kantona Sarajevo, po funkciji, obavezno članovi Vijeća.

Svaki član Vijeća ima zamjenika. Zamjenik člana Vijeća prisustvuje sjednicama Vijeća kada je član čiji je zamjenik spriječen i tada ima puna prava člana Vijeća.»

Član 2.

Sporazum stupa na snagu nakon potpisivanja od sve tri strane – potpisnice Sporazuma a primjenjivat će se od 1. juna 2011. godine i objavit će se u «Službenim novinama Kantona Sarajevo».

Potpisnice Sporazuma:

Vlada Kantona Sarajevo
Fikret Mušić, premijer

Kantonalni odbor
Saveza samostalnih
sindikata-sarajevski kanton
[Signature]

Franjo Réner, predsjednik

UDRUŽENJE POSLODAVACA KANTONA SARAJEVO
UPKS
Udruženje poslodavaca
u Kantunu Sarajevo
[Signature]
Safudin Čengić, predsjednik



web: <http://vlada.ks.gov.ba>
e-mail: premijer@ks.gov.ba;
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Na osnovu člana 158. Zakona o radu („Službene novine Federacije Bosne i Hercegovine“, broj 26/16) Kantonalni odbor Saveza samostalnih sindikata – Sarajevski kanton, Udruženje poslodavaca Kantona Sarajevo i Vlada Kantona Sarajevo (u daljem tekstu: potpisnice Sporazuma) zaključuju

A N E X - I
S P O R A Z U M A
o osnivanju Ekonomsko-socijalnog vijeća za područje Kantona Sarajevo

Član 1.

U Sporazu o osnivanju Ekonomsko-socijalnog vijeća za područje Kantona Sarajevo broj: 02-05-33200-19.1/05 od 03.02.2006. godine i 02-05-21020-16.1/11 od 30.06.2011. godine, u članu 4. broj: „12“ zamjenjuje se brojem „15“, a riječi "po četiri člana" zamjenjuju se riječima "po pet članova".

Član 2.

U članu 7. u stavu 1. iza riječi „Predsjednika“, dodaju se riječi: „i potpredsjednike“.

Iza stava 1. dodaju se novi st. 2. i 3. koji glase:

"Predsjednik i potpredsjednici Vijeća biraju se na period od 2 (dvije) godine, sa mogućnošću ponovnog izbora.

Vijeće ima Kolegij kojeg čine predsjednik i potpredsjednici Vijeća. Način rada Kolegija Vijeća bliže će se propisati Poslovnikom o radu Ekonomsko-socijalnog vijeća za područje Kantona Sarajevo".

Dosadašnji stav 2. postaje stav 4.

Član 3.

U članu 13. iza stava 2. dodaje se novi stav 3. koji glasi: „Ministar za rad, socijalnu politiku, raseljena lica i izbjeglice Kantona Sarajevo, iz reda uposlenih u Ministarstvu, svojim rješenjem imenuje i razrješava osobu zaduženu za rad Vijeća“.

Član 4.


Odredbe Sporazuma o osnivanju Ekonomsko-socijalnog vijeća za područje Kantona Sarajevo koje se ne mijenjaju Anexom - I Sporazuma, ostaju na snazi.

Član 5.

Ovaj Anex Sporazuma stupa na snagu nakon potpisivanja od sve tri strane – potpisnice Sporazuma i objavit će se u „Službenim novinama Kantona Sarajevo“.

Potpisnice Sporazuma:

Predsjednik Kantonalnog odbora saveza samostalnih sindikata – Sarajevski kanton
Predsjednik Udruženja poslodavaca Kantona Sarajevo
Premijer Kantona Sarajevo



Broj: 02-05-25316-15/16

Sarajevo, 14.07. 2016. godine



Broj: 02-05-23316-25/16
Sarajevo, 14.07.2016. godine

Na osnovu čl. 26. i 28. stav 4. Zakona o Vladi Kantona Sarajevo ("Službene novine Kantona Sarajevo", br. 36/14 - Novi Prečišćeni tekst i 37/14 - Ispravka), a u vezi sa članom 158. Zakona o radu ("Službene novine Federacije Bosne i Hercegovine", br. 26/16), Vlada Kantona Sarajevo je na 50. sjednici održanoj 14.07.2016. godine, donijela sljedeći

ZAKLJUČAK

1. Prihvata se Anex - I Sporazuma o osnivanju Ekonomsko-socijalnog vijeća za područje Kantona Sarajevo.
2. Anex - I Sporazuma o osnivanju Ekonomsko-socijalnog vijeća za područje Kantona Sarajevo je sastavni dio ovog Zaključka.



Dostaviti:

1. Predsjedavajuća Skupštine Kantona Sarajevo
2. Premijer Kantona Sarajevo
3. Ministarstvo za rad, socijalnu politiku, raseljena lica i izbjeglice Kantona Sarajevo
4. Ekonomsko-socijalno vijeće za područje Kantona Sarajevo (X 3)
(putem Ministarstva za rad, socijalnu politiku, raseljena lica i izbjeglice)
5. Evidencija
6. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

